

三怡堂叢書

岳起齋詩存

三一

上海圖書館藏

四子詩總序

鄴下自西園肇盛投簡標竒上承
騷雅之遺音下視齊梁之綺靡雖
三唐備體猶推應劉爲先疇嬪繼
有源不僅月露之萋萋而已前明
自青田潛溪而後北地申陽繼之

四子言
迨七子蔚起其風益盛笙鏞競響
璣璧爭輝諸家之集可攷也吾郡
自石河柳泉兩先生怡情此道佳
篇選選別見顧全豹莫窺卽郭文
簡崔文敏二公咸有名章崔以正
學專家郭以雕蟲自悔韻言軼散

蒐緝莫繇誠後死者之愧也不佞

初任海昌時菊壇年兄攜四子詩

草訪予署中共謀入梓值內昔外

召下及治行匆劇未遑也迨菊壇

令浮山遂先我而成之郵寄


京邸披閱一過大慰素懷今觀集

中諸作各據機杼吐所欲言旣不
拾開元大曆之唾餘亦不蹈竟陵
公安之細響且締盟白社相劇切
若友師不獨撫擊歎賞已也昔伯
牙之琴奏神篤指和進於道矣必
鍾子賞而後快焉讀此集者其亦

具此慧眼乎土鼓鳥蹟路鼗箠籥
出焉西園而後斯集其薪傳矣

康熙歲次己巳榴月之吉

賜進士出身通議大夫都察院左
副都御史後學許三禮撰



岳起齋詩存序

余與起王交四十餘年矣。襄幼時先君子過庭之暇嘗語余吳子起王今之古人也。品高而學富，才儁而行醕。方弱冠卽以詩名，鄰下讀書懷古，慨然有當世志。吾甚重其

人小子襄其識之爰是敬佩不敢
忘憶癸未夏秋間補試泉源余與
陶庵東臯諸社友晨夕王園起王
數過從譚心論文相得甚歡泊放
榜起王贈余詩有坐月懷良夕微
言各有期世惟驚第一爾或具遐

思之語余愧不敢當然迄今耿耿
於中夢寐弗諉也已而世故紛紜
語默殊勢雖聚散靡常而肝膽同
照戊戌冬余歸自彭澤坐語間爲
道匡廬九華之勝復贈詩云人同
瀑練攜冰雪詩逐廬雲入混濛余

益淡愧汗余林居十餘載暇日入
郡城卽詣起王許晤語移日或命
駕蕩陰卽坐余蟄園與遯庵陶庵
東臯君山諸子縱譚疇昔事銜杯
引滿邈然有千載之思甲寅夏余
以奉

上諭保舉赴蜀留滯秦關者三載
題補西安之上洛北望三峯西懷
四皓五閱歲滇蜀底定賦歸抵舍
則壬戌之仲冬也時同里諸友多
與古人游不勝寥落之感暨晤起
王則修髯方瞳神觀甚王促膝話

生平欣慨交集起王視余十年以
長今歲丁卯春年八十有二寄其
生平所爲詩命余爲之序將授梓
余讀之四閱月乃援筆而序之曰
詩之爲義大矣哉明三綱達五常
徵存亾辨得失可易言耶故有其

人斯有其詩詩以人傳非人以詩
傳也起王之人余自幼習之閱世
愈久品望愈隆而其詩亦日以進
原本風騷俯視魏晉五七言古律
佳處直逼杜陵曠懷逸韻至性迺
情不知古人中誰比後之人讀其

詩將慨然想見其爲人而况生同
時游同處其仰之若喬嶽而望之
如冥鴻臯鶴倏然雲霄之表者耶
余嘗聞古之論詩者矣鍾記室之
詩評嚴滄浪之吟卷爲古今詞人
膾炙而余猶以爲未盡幾於道也

無論世知人之識而營營馳騁乎
末流此仲淹所爲弗答乎百藁也
善夫近代詹子去矜之論詩也人
生家庭骨肉之纏綿友朋聲氣之
締結山川風景之畱覽窮愁離亂
之感觸發於不自知動乎不得不

然郎此是真性情真風雅其言實
獲我心夫風騷而降都尉屬國倡
漢魏之先聲栗里次山削六朝之
纖艷唐之少陵青蓮以沉鬱曠逸
之才發忠孝悲感之旨爲古今詩
人第一流獨有千載豈非以其人

哉豈非以其人哉知其解者旦暮
過之可與論起王之詩矣

康熙丁卯仲夏蕩陰社弟董襄頓
首撰



跋

予刻四子詩竟披閱數過深有感
托其間也風雅爲藻世大業閱肆
峭逸各如其人一代之氣運嘿寓
之詩豈易言者哉然有傳不傳之
異焉如唐人裴十詩僅附見於右

丞輞川諸什後此外如李礎有詩
八百篇盧尉有詩千餘篇僅見韓
文公序志中元宗簡有諸體詩百
八十律詩五百九見於白樂天集
序中今麴無一篇存者且有竝其
姓名弗知之况其詩耶予每閱此

爲之慨歎今四子皆在師友世講
中旣梓之以公同好若夫護持而
表彰之俾西園遺韻嬪媿方來知
觀者有同心也况夫玉煙潭月非
揉拭所能加哉

昔康熙己巳榴月後學王槐一撰

四子詩後賜



...香... 國... 心... 忠... 民... 天... 正... 然... 戰... 以... 莊...
...漢... 今... 四... 子... 詩... 三... 洞... 文... 冊... 需...

岳起齋詩存上卷

三怡堂叢書

目錄

新竹

讀書半齋

謁殷太師祠首

題畫夏首

遊龍巖寺

讀淮陰侯傳

夏日寫懷首

梅月

感懷二首

午牕坐睡步坡公韻

郭開士入魂磊山

贈孫魯祥鄉薦二首

岳志齋詩存目錄

過孫魯祥郵居

雪中入黃華谷

和坡公戒殺韻

繇黃華谷抵漏天巖

黃華谷二首

送朱孟旭遊廣平

墨竈寺聞鐘

遊墨竈抵苑源

贈董澹園二首

別曹良甫

質衣

訪龔半僧

織月

強睡

春草

得家兄雲中書

秋蟻

雨中登松風亭

集紋青館

郭睂長贈芙蓉菊花

歸鴈

探梅

寒夜聞鴈

紅葉

燈花

竹影

月下看莨花

曹無碍贈聖教帖

掃地

飲莨花下

郭長睂贈白梅

落花

刪瓶花

頻雪有感

郭開士近問三首

步月送蘇斗月出梅谿

羅漢巖絕頂

哭郭鈍僕

雪中試芥茶

雪夜觀鳧鼎

謙易王孫以藜杖見贈

題胡彭舉松泉清聽圖

庚辰五月廿二日始雨

僧舍送言清玉赴北闈時客趙邸

築城行

襄陽歌紀張鏡龕先生

戰城北

丁健兒歌

春雪

病起

送春東墅

舊西園

王羽從先生西齋

偶成二首

有懷

新茶

檐日

旱極感懷

酒熟

新竹

紀夢

移居別孫魯祥

有感二首

贈田秋水先生

清明夜雨

郭開士

晤言清玉

言清玉出諸作見示

郭開士過小齋

黃野臣倦遊歸

重晤俞六吉

飲趙國王香亭

夜坐俞六吉齋中

集絃青館是日立秋

水花亭看菊

紀夢

觀螳螂遂成口號
旅懷

山居

贈蘇斗月

重九感懷

九日登銅雀臺二首

登城懷郭鈍僕

蘇衷原先生見誨雅韻

問尚波仙病

李園水軒

夜泊放魚亭

早起尋水石佳處

瓶中落花

癸未春暮

春雪懷蘇斗月

李驂螭齋中雪坐

花朝雪

重過南邨

謝鄭兼山送黍

鳴玉峽同蘇文原看月

宿黃華下寺

陳蒼洲署中對奕

除夜坐蔣別士署

蘇斗月以詩約予二首

理書

春雪夜二首

岳起齋上卷目錄終

岳起齋詩存上卷

許三禮西山

晚學

全刊

相臺吳振周起王著

王槐一菊壇

後學張鳳臺鳴岐重刻

新竹

青鳳欲舒翎夜雨助膏沐晴日發空香凝爲一林
綠吾生荷天貺耽睡常苦足頗無俗可醫荒居如
深谷雉斑未脫根小草聚其族預期秋蟲聲馳心

在鴻鵠客筒寄新茗水候酌盈縮起就此君飲一
日具兩福鶴骨何緣肥坡語可三復

讀書

讀書苦易眠既睡境亦好歸雲作雨聲滿地生秋
草天民螫巖谷有以樂枯槁莸花也自春下視商
山道彈琴詠黃虞食息依富媪懷憂獻經濟鬱迫
成衰老彼雒陽年少痛哭何其早

謁殷太師祠

谿路臨官道荒岡枕伏鼇銅盤銘自古斧鬣簣猶
高時已非中古祠仍饋二牢師臣遭獨慘童倭誨
徒勞遂致西山餓終堅北海操廢興俱有盡宗國
義何逃汲塚不堦曠野蒿風榛起蕭瑟沉
陸感神臯

題畫

雲氣在數峯懸水下千仞晴雷穿石梁崕呀若爭
奮結茅面積峽浣耳得無悶深松靜野色噴石濯

岳起齋詩存卷上
寒鄰嘯侶供幽尋
忘此登陟峻從來
愛山者喧寂
泯所論條然遂天
和抱膝有餘韻

遊龍巖寺

叢石帶寒流
齒齒復濺濺
噴激下漁梁
驚波逐雷
戰崩崖溼草
露細路明一
綫踏葉繞霜
塍岩堯出
臺殿山禽下
齋磬瓶鉢示
枯淡知己解
天嶽習禪
饑不散峯鬢
與佛髻交翠
落廣院灘聲
亦送風空
堂咎鐘梵秋
原覓佳日幽
討懶所願鏗
然聞粥魚

伊蒲已成飯乃勞僧分衛三咽起愧歎

讀淮陰侯傳

所釣若在魚得魚亦可飽阿母胡怒爲王孫有遠
抱曾中數萬兵斂鍔對汀蓼以哀而進食何異市
中少龍戰將在野過眼等鴻爪東歸贈千金報之
無乃英雄快恩怨促淺未聞道至哉杜陵翁一
飯跡便掃

夏日寫懷

長夏劬多臥閉門謝諸務微風吹我須偶爾得佳
句
圖看江山在顧飛泉下石壁烟靄生

緜素似握招涼珠森然凜寒沍茫茫大炎海歡照
爲古渡置身在下中冥然有呵護茶禿靜而潔芬
郁如墜露援琴寫秋聲泉壑響奔赴娟娟雲際月
流影出半吐稚子未解彈綠疊扣其故百年愧粗
糲筍蕨煩老嫗不見東坡翁飲水以山芋但期無
所苦跼伏保康聚以閒爲自在真可惜此付誰能

恕罪人措語不敢悞

梅月

嚴冬朔氣雄紅紫各摧折黃昏霜露高橫天惟有
月梅花道孤雋佳處不關葉抱影自疎疎如月照
積雪空齋若空山聞見嗒然滅應以靜酌之巡檐
不可索

感懷二首

古甃貯黃華秋光滿几席寒燈照孤影搖搖上素

吾志齋詩存卷上
壁我貧擬陶公瓶粟屢蕭索空壺對塵爵饑鼠常
嘖嘖枯香繞素琴如聞花歎息何以慰花歎楚誦
見遠意花豈拒我哉意通不煩譯

白榆歷高天燦燦各有稱喻箕浴明河離月與畢
憎河鼓不肯旬三能相倒承覩之發長歎我懷如
積冰饑寒外有憂我產何由恆涼風夜作霜漸漸
衣生稜巡檐步不眠斜白低玉繩

午牕坐睡步坡公韻

掩書休兩目屈信便雙肘心目之後先勸來俱無
有枕長床亦寬轉掉容我久驅蠅疲塵絲揮之時
脫手中庭厭麩奴不須導以酒自有朱衣人生肥
以助壽欠申歲月過所見付消朽簞紋席舊香龕
因攝所受殘夢不可理想因歸淨垢鈍根墮昏沉
踵息愧彼叟

郭開士招同孫魯祥入硯磊山

亢拔不相慕嶽然移我情鵬盤孤壁迴猥掛一身

輕漸宿真人炁初因靜者名霜深山貌肅苔老石
膚生急峽開天小他峯入野平梵鐘通衆響貫月
散諸明冷鍊凝無跡寒星落有聲正須澆以酒未
可淺之評逕豈爲吾設探唯與杖并依依望煙火
歸馬隔林鳴

贈孫魯祥鄉薦二首

共城十日雨雲縷駐苔壁隔牖通呬唔夜燈耿相
射衝泥並羸馬放嘯畚山碧新翠廣泉流蓊藍遶

闡棘科頭見試官屏縮不暇息爾文如冶劍氣成
龍虎跡相投卽師友腎腸各有索豈知黠淡懷幾
年抱深惜
哲螢燦朱夏腐草初不知光燄當有通炎炎際以
時纖夫促刺心羨與忌同施瞿瞿榛莽間坦易足
自持涉世防太深與人難過畸最懷在先民遠世
同所期

過魯祥邨居晤崇軒先生

亭亭拂簷栢若羽葆並張先德樹在茲孫枝未敢
忘投策肅對瞻古傲森鬱蒼登堂拜尊老執手相
持將勉客以加餐無為困所傷爾其視吾栢樸韻
能俱慶

雪中入黃華谷

時同斗月魯祥

昔年入硯礪郭開士為導積峽頗仄衰未具者冥
奧今年黃華谷林雪益山妙僧能為客先分杖輔
幽討石梁泐凍流巖風折冰瀑怵怵得失心濯之

以寒峭名山如善藥令人釋狂躁吾友曰念之淚
湔以相報

繇黃華谷抵漏天巖

谿勢多仄斜崩迫生回曲盈耳注泉聲百折依鳴
玉停午日光薄陰霧浮深谷削逕引漸高砂顆噴
萬鏃孤峯觸我面磊拔動虛肅誰能負之走傲岸
非易畜垂巖殷蟄雷古練披綃幅澗壑相怒吞噴
激各未伏驪龍憤無寐棄珠幾千斛遊嵐翳其半

因風作伸縮素氣所漸被凌筍遂撐蠹杖履不在
外震撼滌心目歆邪得古碑剝蘚以意讀日沉山
影沒寒煙起叢榭

和坡公戒殺韵

肉爲載生具血爲寢生汁习中見此身如菌成於
溼苟可塞饑腸粗糲非易得護生怖死心人與物
同急禮旣慎犬豕胡獨畧雞鴨賓祭有屠門無使
浣炊纂菜根淡而永筍班殷以赤粥液亦冲融豆

膏何晶白一飽就北牕頽然脫巾幘猶增茶竈聲
相煎若嗟泣快鄉不越枕瓮醞補其缺欲令慧業
堅先遠腥肥客寡營則寡辱饕濁嚴所集

送朱孟旭遊廣平

蕉衣感北風不壯遊子顏何以敵長宵哦詩扣劍
函嗟貧與病俱須睂爲之斑霜鐘落靜夜鄉夢中
道還寥寥牕月移一燈光照龕平原舊客門睇古
思平干漳水走白沙不顧途路艱湖州派雖尊恐

難易一鑿咄哉草木交緩急多不堪酒盡惜解攜
囊空無所探

黃華谷二首

谷煙寒不散煙際辨峯紋凍滑增新險梯危屢顧
羣頓清心與目擁白雪兼雲一枝沿崖入谿聲若
有云

林空惟集素奔駐各幽潛墜壑支凌筍森寒下谷
簾遊情懷以穆山侶擇當巖難與孤峯別遲徊肅

屢瞻

墨竈寺聞鐘

曙色催鐘起冷然客夢還
啓牕星欲盡出峽月何
艱行止隨遊目聲聞示
愧顏霜風飄梵唄相禽滿
空山

繇墨竈抵菴源

不踏來時路沿谿出翠屏
淺沙留虎跡高樹識熊
經落葉秋山麓風帘賣酒
亭水聲常注耳行立總

宜聽

贈董澹園二首

坐月懷良夕微言各有期世惟驚第一爾或具遐
思鼎餗近如是筆華誠愧之流螢與宿羽應不忘
當時

軍聲紛白羽搔首感烽煙養士幾能報讀書期可
傳梓榮分岳里著瑞燭姜田一代文章氣君其嗣

廣川

別曹良甫

甲申正月

去住皆靡定相看各黯然
好看春偏感別厭亂獨祈
天懷友敬無斃依劉賦始傳
酒邊求劇孟識在眼
光先

質衣

解衣難不質廚火夜來乾
好友復相過空尊畏減
歡堆床留故衲當暑失冰絛
敢謂淹佳客青蔬愧
野簞

訪龔半僧

綠堤春水濶隔竹柳紋深細路多迴處高蹤不易
尋茶香初撥椀新筍正穿林只此皆堪飽西牕按
鳥音

織月

暮山蒼未已織月澹初生小水滴光淺楓林待影
橫霜華寒磔髮風角暗移更寂莫東牕下殘燈不
肯明

強睡

強睡何繇着澆胸盡一壺
花源遺晉魏橫島惜鳴
呼虎嘯推孺子健耕愧野夫
漸看河漢轉弧外一
星孤

春草

牽此綿綿思王孫悵未歸
半牆苔共影一夜雨添
肥漸欲侵階上猶憐觸屐
屐稀謝生方雜詠不謂在
山非

得家兄雲中書

時部軍戍防

忠孝吾家事驅馳何謂艱山長峰易斷市罷馬初
閒磧草春無夢邊聲秋入闕應歌明月曲風露溼
刀環

秋蠅

秋蠅輕如此往來何所干正當新睡起獨倚短屏
看健與風相得涼多粉易殘藕花已搖落猶自上

荷盤

雨中登松風亭

溪亭望春雨孤暹易高寒惜此空濛候當予感慨
看柳綿強欲起沙鳥靜相安剝啄傳清響棋聲在
藥欄

集紋青館

一逕苔紋好秋陰入戶低驚蟬飛帶響編槿曲妨
泥茶候調新水棋殘聞午雞小山垂薜處緯絡已
潛啼

歸燕

歸燕語相屬遲迴聲戀巢
樨風偕舊侶鶯羽感初交
爾已念霜露予仍卜草茅
連雲易生妬玄白恐成嘲

郭省長贈芙蓉菊花賦謝

花郵來小使剝啄亂驚狔
折取但盈把采之非涉
沅茶香秋意靜骨觀獵心
降暎月或多致移屏近

紙牕

探梅

爲踐梅花約琴樽各自攜
一庭藏柏塢細路遶春
堤僮小能扶醉鶯寒未放啼
輕煙與殘日最好柳

浪西

寒夜聞鴈

時正卜居

客鴈來何早關河尚凍雲
月高影不下聲折勢將
分燈燼重開藥香絲巧續
紋倚牕聽漸杳無定我
如君

紅葉

秋聲勞衆木昨夜醉輕霜一樹俯幽澗何枝無夕
陽題成分鳥使流出悞漁郎枕石聊相藉霞邊紀

鴈行

燈花

開落渾閒事春工愧護持夜涼添半蕾香燼抱餘
絲哀樂寧須卜陰晴付所司一龕懷舊約風雨共

僧棋

竹影

遙燈如落月伸影上空牆意足寧求似看深漸愈
長一檠搖寂莫四壁可篋管於此叅離合蕭森發
異光

月下看堯花

啼鳩催春老探花復夜過幾時紛下徑其半尚留
柯紅雨沉燈影殘香扇酒波苔紋相借好明日積
應多

曹無碍贈聖教帖賦謝

真賞誰玄解
投人以好同
揚仍殘剝蹟
裝賴保持
功波折寧求
似精神有所
通難教一倍
長心手愧
相蒙

吳大掃地

頓爾驅荒穢
空明敞一庭
豈惟生靜想
兼欲習勞
形蟻蛭無堅
壘苔階發古
青風塵方拂
面一室敢

求寧

飲豔花下

預作春歸計
攜壺逐好天
青芊抽草席
紅雨覆花田
短蕨初成筍
垂楊欲放綿
當杯映人面
應自惜年年

郭肴長贈白梅

疎枝開不艷
小摘寄清歡
冷絮猶沾柳
空香已在欄
甘泉添注活
蕭薄護春寒
一硯窺牕月
應同靜侶看

落花

貯花今幾日心跡撫孤清念此盛難久時當功已
成去來叅有盡潛嘿下無聲掃積筠籠滿榮枯敢
異情

刪瓶花

貯花如擇友道廣則無竒位置難諧俗去留非有
私韵兼深淺際香在淡幽時待取青青滿輕紅綴
數絲

頻雪有感

雲寒沉暝夜愁絕不成眠宜瑞難爲屢無風多在
田彈琴澀流水呵筆滯吟箋顏爲貧交熱囊艱賣
賦錢

聞郭開士近問三首

寧復爲貧死嗚呼不可知旅魂依父母介骨自須
麋殘歲積冰雪深林伺虎貌行當與吾友車馬自
共之

尚憶均河道傾觴瀉屈卮爾時黯澹意皆可僕僮
知執手三年別吞聲五字詩歎深以風雅所惜豈
吾私

君何可死耶終疑謂不然疎星炯雙目崩劍偶孤
騫遂爾虛山約亦當以酒賢遺文有同好應不委
荒煙

步月送蘇斗月出梅谿

慣識梅谿路垂楊逐岸斜水漩聲轉急露白稻初

花伴影有佳月扣門無酒家
淫螢千萬點相與渡
平沙

雪夜月

雪光照素月朗潔足相依
懷與空山遠寒侵酒力
微栖禽聯影靜凍鴈一行
飛爲問雒陽令高軒解
扣扉

贈蘇斗月

羣山競秀當衡門短垣瀆有青嵐痕
時逢長夏升

朝瞰袂袒惟一犢鼻禪羲皇北牕傲且尊空花瞥
眼生眈昏歸罪於酒何其寃顛毛霜茁不可捫銅
刀一削圓而髡鬢鬢僅使須髯存閭寥委巷猶空
邨雜花老樹羅前軒聊從巖壑置謝鯤揮汗免逐
紅塵奔好守田家老瓦盆隨時薇蕨充饗殮百年
敢忘養士恩苦縛售屋貽子孫高風可使薄者敦

羅漢巖絕頂

險盡路亦盡梯巖寄一龕棧斜天貌改泉乳石泓

甘種竹開山脈分松駐夜嵐平
牕供客眺清梵下
猿叅霜果充遊品枯香助午談
坐看寒日遠蒼秀
滿孤庵

哭郭鈍僕

嗟汝或不死所臻當可觀
如何藏磊骨遂爾歇芳
蘭兄弟皆擯賦精神獨玉冠
聞茶分雪乳度曲按
霜絃似艾留詠語傳花記報翰
籠煙香袖重岸醉
酒巾單煖體能偕雋郊文不墮
寒雅同癯鶴韵病

長安詩存上卷
失返魂丹不幸符予諫因之歎友難螢芝芻束異
醴醕斗盛寬淡日催原燒悽風起樹湍魚燈無夜
炬龍劍擁孤棺墓草叢書帶雍琴寫淚彈夢沉林
月黑招大只聲酸寂莫新阡冷秋蟲咽露溥

雪中試芥茶

朔氣峭嚴雲皴白糝堵簌簌先稷雪義輪失馭日
車翻搖光北沉斗柄折玉川問天高莫繇自煎芥
葉澆枯喉此君屢致淡且遠伴我孤懷慨以幽新

泉活火沸聲緩定州花瓷古窰益搜盡空腸貯冷
光愧無文字五千卷

雪夜觀鳧鼎香煙迺叻友輅尊所贈

竹床趺坐何蕭索炭火無功蘆被薄亂撲冰花上
紙楞銅甌凍老黃梅萼起看宿火耿香鳧聊以水
沉消寂莫口角初微吐暈痕碧瀾漸捲如奔壑灌
頂青螺散佛頭瑠盤細結堆飴絡繞味欲連不盡
連游絲困絮依人弱感昔王孫贈此時攬臆風雪

渾如昨玉樹凋殘朔氣高
砌路塵封閉空閣豈我
孤懷能崇人嗟君駐景無
竒藥燈暗巖城鳴夜柝
爆花一點隨烟落

謙易王孫以藜杖見贈

積寒息物空秋園老藜螫火歸
其根蘚鱗已蛻靈骨存須牙
刪落頂不髡澆風浴日生古
痕乾林響答鏗而温凍梅一
夜開前郵鷺簑蠟屐蘆花禪
雪中倚曳來黃昏松子敲墮
驚鳥翻微霜灑面若可

捫拄之遠慨孰與言如對往古作者覓濃嵐指開
箭括門濟勝有具快莫論解人相贈唯王孫

題胡彭舉松泉清聽圖

見山於拳見水勺筆光思路同紛錯憶爾晴懸拂
紙時泠泠謾謾當前落野客耳非塵所侵聊於水
木澆清音一灘白石淙相語百尺蒼虬靜自吟胡
生心手何鮮潔簡秀之間皆有得鍾子曾題秋水
篇譚君亦贈寒河墨此道從來多大兒幾人不墮

自走齋言在止卷
作家規但看衫履蕭然處知是神情入妙時嗟予
名岳猶虛願桐帽棕屨期不變眼底青留品石方
囊中素束招雲券竹竈茶聲沸瓦瓶香煤一點冷
秋螢繩床自證雙荷葉紙上松泉響外聽

庚辰五月廿二日始雨

雨勢欲來日沉酉墮雲如山當北牖風馬霆車相
迸驅四簷鳴瀑何潺湲衝飈吹溼上簾幙燈不能
然障以手喜極便思水沒階望深欲丐天真漏今

年正月至伏月霑灑不成塵漲久遍野哭聲殫者
多榆皮草葉皆規取空郵慘慘月照骨清夜明明
星在留豈識天心有搏酌祝龍不須衆夫走帝觴
餘瀝施下土地脉頓教酣萬畝質衣得錢本爲米
今且以之市佳酒不妨忍貧待有秋何必歸而謀
諸婦衝泥有客致詩草所得新句已盈首爲言徹
夜喜無寐苦吟聊以答天厚我獨低眉愧野人鋤
耨不識耗升斗願均此雨洗兵甲坐令四海皆老

壽

僧舍送言青玉赴北闈時客趙耶

積雨初收官道細
攜樽送客衝泥出
病衲蕭然煙火稀
槐花滿地闕門睡
青絲玉壺貯佳酒
爲爾壯遊生意氣
古人作事重心骨
不難遇合難無愧
感恩知己昔所許
飛鴻雪跡視豪貴
傾間相送者誰子
寧盡解君牙後慧
憊容在額杯在手
溫語喃喃強酌對
側聞新制重稽古
安知不日自隗始
燈底

揣摹榜下心是同是異當自識語竟不留遂分手
前途冠蓋紛擁筆如此附之疲勦無世間男子張
君嗣

築城行

庚辰

寇來無城掠豪富寇去築城役貧獨旱過徂秋食
已艱晚苗方穉填蝗腹磚灰木石豈天產印簿沿
村派輸助朱批如火吏如虎不死於朴死於獄小
車長擔逝去汝以一丸泥封其屋飄零妻子不相

岳越齋詩存
卷
三
保負女抱兒仰天哭年來法令重縣吏飛挽如雲
飽饗卒大農豈不憂百姓欲尊堂與先閭闕寇至
依然如無人仗鉞建牙寧土木嗚呼築城力宜速
怨鬼啾啾滿溝瀆

襄陽歌紀張鏡龕先生

一從逸賊入襄宛落日漢江多鼓輦相公授鉞作
都統旗牌十道軍鋒齊至尊肝食憂南顧召下公
車關日路小臣賜對近龍光手畫口陳皆急務幕

府飛章乞監軍爲言草檄若能文雙韉踏雪辭騎
省一劍衝寒躡虎羣靈旗所指皇威大謬謂今年
賊當破北山不聞胥後令恥以諛譚備叅佐繇此
分麾援鼓枹自攜赤膽遵危途刀班戰血花成結
甲鎖驚塵繡入膚久摩馬革稱知己風折軍牙角
聲死孤臣賸有睢陽頭留此須眉對青史峴首血
流碑可圯大堤踏歌變哀誅惟孝與忠臣所止比
於列星爲弧矢

戰城北 裹革分也猶不免於臯訛亦大可

傷已竟能憇帝虎豹當不見呵嗟夫爲此

言者爾雖覩然人面哉鞠人伎忒譖始竟

背詩蓋言之矣時已卯春夜挑燈識感

戰城北力盡臣當死鬼馬奔騰鳴鼓聲寒不起關

西勁卒如風雨一夜親提過易水若爲客兮若爲

王巖城嶢嶢晝不起臣死敗不死退書生口舌致

通貴肉花膩鏃臣不愧大恩如滄海臣不覲涓滴

但願相君無忘國恥奏記聖明知臣已死雲旗蓬
蓬震車隆隆巫咸雖招臣不與通帳下義兒能爲
鬼雄年年城北赤日不紅

丁健兒歌 健兒遼人也名有材昔爲滿帥

部曲晉寇逼鄴戰於城西之橫水深入援
其長獨戰無繼遂死之予往識其人聞其
死甚烈感爲作歌

腥塵四合鼓聲死血溜刀紋滑似水鬼膽諸兒縮

行思齋詩集卷七

項逃獨盤一騎當堅壘賊甲如山亦何皓紛紛鏃
下輪肝腦圓月弓鳴走餓鴟南指倏看西騎倒那
堪矢盡弦亦絕馬蹶僵尸刃多缺自將頸血染糝
糊悍氣觸天天欲裂官家養士二百年跋鼈癡蠅
不可前爭得如君死馬鞍咄哉裹革心何堅

春雪

遙天積素下空冥吹雜春聲壯可聽香破瓶梅萼
正綠夢回堤柳眼全青簾入幕寒猶力絮薄添

衣酒易醒爐火欲消茶響寂坐看樸簌透疎櫺

病起

貧耶倦耶皆可安隨緣薇蕨且加餐榴花戶迤邐
成子豆蔓將伸爲插闌殘夢五更鐘乍起絮衣四
月盡猶寒道人心跡非枯木魔佛聊從病靜觀

送春東墅

春色辭人似去年坐看風柳劃溪煙閒雲過影留
餘溼細路盤青上野田身愧燕巢頻易壘囊如榆

英不成錢孤吟幾踏長堤盡
繁絮殘鶯各黯然

舊西園

詞賦高傳漢魏評
西園授簡重羣英
齊盟狎主無
文舉楚調能高失
禰生瑤館久已飛
蓋蹟朱華猶
冒綠池名秋風自
護王孫草歲歲乘
春上鄴城

王宇從先生西齋

西堂秋老錯苔紋
蒔菊培松事小勤
投劾不慙雙
屐齒聚書常襲一
龕芸當時玉帛歸
元美此日風

瀾起右軍千載文人崇慧業欲從玄塵扣聲聞

偶成二首

布衾竹榻總蕭然籬壁幽花映蘚錢舊硯賣來如
別友泛交難定似觀煙瀑林冰壑牽遊夢樹影禽
聲伴小年滿體薄寒慵不自持鉛尺畫唵箋

秋水箋成枕半函青巖招夢到松杉誰關一代文
童氣且問深林筍蕨鏡新橋破霜香在摘斷雲低
鴈走如帆空階殘日移人影寒意蕭蕭滿素衫

有懷

無人長嘯破重冥遂使三閭擅獨醒
載道羽書皆露布橫天太白亦常經
硯逢儉歲餘端紫書齋貽篇愧汗
青城號芙蓉定何處高尋難躡鳳皇翎

新茶

北苑驚雷發紫茸一筒相餉印斜封
石泉槐火宜新候竹竈花磁事雅供
品白色香參遠韻味離甘苦契幽
棕藤床小閣蕭疎裏風颺殘煙落
午鐘

檐日

檐日初溫負影身鳥聲相答頗宜人遠書南國兼
葭思公案三生去住塵霜葉響沉通夜雨早梅寒
怯小殘春川原落照愁烽火芋栗猶慙錦里貧

旱極感懷

素懷支病復支貧雅爲千秋惜此身風細問天占
鶴井明河入夜望豨津吟成梁父寧相許壁挂吳
鉤且自塵擁鼻但存高詠在乃公墮地豈無因

酒熟

杏花開後酒初清
坐對啼鶯洗舊觥
品潔正宜如水淡
鑪鳴終不似茶聲
三騶敢寄公榮傲
小瓮難勝白墮名
滿目凋殘桑柘思
一帘風雨憶柴荆

新竹

春苔破徑菜透迤
脫跡成林曾幾時
寒玉拂簷初去璞
夜嵐浮月漸平池
僧來未可輕留偈
籜解全收補椽
籬清露一亭風半幕
穉香盈椀瀹新詩

紀夢

青崖懸瀑濺苔池
梧蔭荷香間竹颺
田水遶塍聲
漉漉驟雲遮日雨
絲絲夢中真賞寧
非福寤後清
緣那可追葵扇不閒揮
汗手臥聽蟬響起高枝

移居別孫魯祥

何必天涯始別離
夜牕風雨各相思
雪中龍劍鳴
無賴歲暮梅花冷
自知鹿苑髮禪飛
錫日文園詞
客暴貧時百城大業
千秋品欲向興公問
後期

有感二首

飛盡楊花撲練花
午甌初試雨前茶
愧無瓶粟留
饑鼠時有玄譚過
暮鴉論擬絕交稱
抱病書裁逐
客欲移家項斯好
句何相與半是逢
人借齒牙
雲臥那堪稱道民
居同寒谷豈能春
貧來書畫無
常至因處行藏識
古人落月暎牕如
雪積枯琴挂
壁飽煙新天平
朝氣黃華水甌鉢
何山可寄身

贈田秋水先生

閱世長宜老鑿坯蓬蒿披逕豈頻開著書夙許瞻
玄草懷刺今來踏古苔高士種梅兼鶴子司空隨
屐有鸞臺幽探誰復桃花源去自撫寒松盡舊醅

清明夜雨

青白難教阮視明小門深閉尠逢迎週身病味兼
貧味滿竈松聲戰水聲夢裏故人雙泪眼空堂殘
燭短長更春寒欲妒衣裳薄聽雨聽風繞几行

郭開士云坐無雜賓是真正讀書著書人年

來頗愧此語靜中念及感爲此詩

小雨輕寒透紙櫺
爐煙猶剩一絲青
奔濤入峽初調水
圓月緘香自啓甌
雙屐避人閒不着一鳩啼
拙午宜聽年來意氣論
交悞輸我繩床午睡醒

晤言青玉

風塵猶剩舊貂裘
長鋏依然繫蒯緱
白酒又同今夕醉
西湖重話十年遊
錢囊蕭索惟書篋
僧榻荒涼重旅愁
百尺元龍君自許
邇來難臥是高樓

言青玉出諸作見示

當杯幸不道饑寒便有西湖上話端問以何叅醉
白業答無精進付諸歎沉煙遶袂縈香絡疎雨催
涼响葉乾底事驅君走千里富春漁父似之難

郭開士過小齋劇談賦贈

歌喉停拍飲停籌豎義艱深出鬼幽世尠大兒君
不問友唯小草我何求書城拔幟無堅壘酒國分
茅可拜侯今古詞人多霸手獨攜王氣照霜鉤

八岳志齋詩存上卷
三
黃野臣倦遊歸悵然有感贈之以詩

烽煙處處去何之日氣沙塵滿接羅吏議漸聞捺
到客山人應是懶於詩饑腸窄盡無酸語舊硯磨
深繡墨絲囊底綾紋消一刺彌生原不問常兒

重晤俞六吉

重來憶是別君時又見楊綿晉水薜高眼誰酌江
夏賦吳箋多和雪堂詩鄉心感節嗟魚笋客况編
年上鬢髭爲辦瓦柝澆嫩茗坐消一絡篆香絲

飲趙國玉香亭

照地高梧蔭細生
亭亭香玉綻初晴
戶儲名酒醉
花語座擁青山待
句成沙瀨淺宜安
釣桁松籬疎
不礙棋聲吳歛停
拍觥籌歇水閣呼
雲佐麈評

夜坐俞六吉齋中話廿載遊况

廿載著書嗟未成
鏡中華髮老相驚
鸚裘與後蘆
綿薄茶茨澆餘瓦
鉢輕琴以自娛
聲獨古詩妨人
忌語頻更西牕移
燭聽風葉霜重
夜烏寒聚鳴

集紋青館是日立秋

藥嶼花欄各署藜
桔槔聲急衆流通
梧高欲下疎疎影
竹小能生細細風
蒲簟織涼供快夢
素磁傳茗蕭山僮
耳根近已叅無礙
啼鳥鳴蟬任此中

水花亭看菊

小山楓落露唼呀
薄薄秋陰燕字斜
新霽爽宜高閣氣
晚香深護一屏花
殘荷水靜猶依渚
隔竹煙消正熟茶
儘可閉門廻俗屐
紋牕日課有南華

紀夢

修竹籠陰接遠亭
欄花狼藉筍初青
連昌詞好教兒讀
婉轉歌成與客聽
山翠隔林分柳色
水紋舒疊入漁汀
人間處處邯鄲枕
濃淡繇來俱未醒

觀螳螂遂成口號

蹻蹻四足如乘馬
臂擁兩戈供攫拏
長頸豐尻善跳緣
匿身葉底工行詐
羣生循業現所報
爾豈生前多怒者
我愛鳴蟬送午風
殺聲忍向弦中寫

旅懷

蕭蕭風雨送春歸
斗折難登峻坂泥
敗壁一燈勦
殘夢殘芻深夜蹇
驢嘶水喧石瀨添
谿漲雲結峯
螺壓樹低斗酒雙柑無
負處隔林空自叫黃鸝

山居

柘籬茅瓦結秋堂
小石拳巒枕夜涼
風拂暈紋初
透
月露移蟲響漸依床
天清困鶴心常遠
雲嬾殘
山住不妨已約園翁深種柳
待看煙緒曳溪光

贈蘇斗月

既無歌板速酒乾
小摘霜榴佐酒殘
一代幾人尊
大雅眼前得爾識
交難名山尚可藏
巾笥泌水徐
當問鷺灘
忼慨不禁投塵脫
半簾斜月冷相看

九日登銅雀臺二首

古臺嵯鬱俯漳干
萸酒臨風六葉丹
斷碣土花封
字碧空堂鐘鼓報
秋殘遺文入地成
書草霸氣橫
流走濁瀾遠樹如
鬢沙似衲放歌西
向故陵看

岳起齋詩存上卷
浩蕩秋風冷石鯨不堪香履委荒荆詞園此日卑
諸子各忌當時失禍生平楚綠遮襄國道歸雲白
斷太行晴韻腸欲起斯人語鱸薦掉魚擘蚤橙

重九感懷

風雨催涼逼午眠鶉鳩啼暗菊花天紅萸薦酒傷
佳節白髮分糕非去年香斷鼎臯含宿火竹烘茶
竈起殘煙牽帷尚恤兒寒不夢眼慵開獨泫然

復董松河先生

疎花半壁老秋顏黃葉遮門竟日關學道漸沉文
字障論交深愧古今閒一函珠唾傳魚素六角奔
濤識豹斑攜取寒山對高詠芙蓉千尺裊烟鬟

蘇衷原先生以雅音見誨非所當也賦謝

楊綿如雪倦清遊何處花塵上佩鈎慨以千秋推
敵箒戛然五字叶天球赫蹏到戶遲文舉緗帙分
函記鄴侯莫謂國門收價晚宗盟先已重眉州
登城懷郭鍾僕是日尚波仙入社

五起齋詩存上卷
三十四
寒雲渺渺黯平蕪
戍閣春陰望易孤
把臂再看人似玉
促尊非復飲當壚
梅花如雪香仍好
鶯友懷聲慘不呼
猶憶去年狂嘯日
筠籠沉水病相扶

問尚波仙病

百感偏依伏枕生
薄陰移日小牕明
藥鑪正沸聞蒼朮
病榻遲來愧友聲
紅雨送春三月盡
午風吹絮一簾輕
頻年學道今何似
數息焚香自審評

李園水軒煎黃葉澆門竟日關學道漸忘本

罨畫廊深晝不譁
泉光涵夢夢能賒
一灘驚雪聲無盡
隔渚垂楊日欲斜
深竹雨晴聞解箨
釣絲風定有浮花
頻來鷗鷺皆相識
清簟紋牕自品茶

夜泊放魚亭

漁邨小舫屈如蠟
逐鷺隨鷗手自搽
竹葉籠陰螢照小
月波浮樹水紋高
頻年郵夢遵苔渚
靜夜風灘落遠濤
清露滿身涼意好
放魚亭下一停篙

早起尋水石佳處

湖月湖煙貯一亭水禽呼客夢初醒荷盤承露香
頻動螭口分泉濺可聽全以靜懷成領畧獨穿蒼
鷲度漁汀菰蒲風起晨光薄深柳疎螢落數星

銚中落花

收來紅白一瓢藏餘蘂猶沾滿拂芳甌以貯花兼
貯葉落雖離瓣不離香於茲靜對觀能幻其未開
時那可忘古佛一龕珠百八絕無空色礙春光

癸未春暮

布穀啼煙煙半消
枋榆難遂小逍遙
日暄石竹添新筍
春老瓶花厭故條
滿眼好山虛屐齒
待人芳草負裊腰
十年前事休重憶
眠柳風帘祇次寥

春雪懷蘇斗月

冷壁澆風幾日陰
玉龍天半快登臨
也知酒戒難持穩
且負奚囊踏任深
堤柳夢迴愁獨醒
燕泥香凍怯同吟
憑誰一寄春消息
滿地瑤華可嗣音

李驂螭齋中雪坐

茶聲消盡澹相忘
頽倚微凭舊隱囊
素友靜懷存
正始大兒肅客似元方
聽依牕竹乾無響
譚入谿
梅句有香一卷楞嚴
一龕佛以茲古潔對寒光

花朝雪

霏微雨雪灑花朝
農譜占豐快四郊
衣拂軟風添
薄絮竹搖乾響委長梢
囀沉煙谷迴鶯友
寒泐香泥緩燕巢
記取聚星堂上約
幾人白戰拔前茅

重過南邨

榴外紅芳漸委塵重來又老一園春何多斑斕妨
遊展自曳青藜岸酒巾獨鶴避人殊落穆小山辭
雨倍清新棋聲歌板當年事處處苔紋識舊茵

謝鄭兼山送黍

酒盡淵明欲皺眉釀材深荷走相貽疲驢潤袋當
秋熟小印長箋寄遠思頓使醉鄉延日月豫從飲
吳潔尊匱胡奴仁祖何區別終覺修齡癖所私

鳴玉峽同蘇文原看月

如此清輝未可眠一尊携就石林邊月先到不須
人逐葉亂鳴知有鳥還聽遠水聲全是雨坐圍峯
影半成煙山僧頭白聞空觀洗眼來叅指上禪

宿黃華下寺

紅葉雖凋半在枝靜求山意此其時空林貯月携
僧入古峽圍天載酒之寒翠欲沾遊子袂瓣香先
問老人祠中宵禪榻清無寐滿谷泉聲有所思

陳蒼洲署中對奕

冷衙如寺葉封門樹古猶存繫馬根歲月掉頭天
易老茗香潮舌水頻溫詞人作吏終高韻狂子登
堂無腐痕草草稻羹相對飽一椀剝啄坐黃昏

除夜坐蔣別士署齋

候吏蕭然靜廣庭
暝鴉啼樹不堪聽
夢中越隔千
峯碧旅櫬寒燈
一點青誰以范舟
伶國士空餘藤
茨貯禪經
幃幃冷落陳
椒醕僮僕吞聲
隔素屏

蘇斗月以詩約予入山賦以代報二首

岳起齋詩存上卷
五
欲畫山衣作水田瘦藤五尺拄秋煙多君遠致殘
陽約夢落南樓十五年
秋老霜嚴紅滿林半天寒瀑倚蕭森鉢囊欲挂山
僧壁先約清猿伴苦吟

理書

插架重重盡蠹田塵封不識舊丹鉛消磨歲月何
須劫墮入粗浮十五年

春雪夜二首

雲黑燈亦青一鴈來何遠風聲雜雨聲嘹嘹不勝
怨

膽餅萼綠枝素香脂中破凍雲作雨花灑牕時幾
個